

Surat khabar: Utusan Borneo (Berita Iban)
 Hari/Tarikh: 21/4/2016
 Muka surat: 11

Tajuk : UNIMAS, ESC deka besaup dalam bidang ophthalmology

UNIMAS, ESC deka besaup dalam bidang ophthalmology

Kerejasama nya ulih ngangkatka standard enggau kualiti sesebengkah bidang nyengkaum ophthalmology

Dikarang Rengenyang Labang

KOTA SAMARAHAN: Kerejasama sektor perintah enggau peribit ulih mantu ngangkatka standard enggau kualiti sesebengkah bidang dalam menua tu, nyengkaum bidang ophthalmology (mata).

Kemari, Universiti Malaysia Sarawak (UNIMAS) nyain sempekata tauka semaya (MoA) enggau Eye Specialist Centre (ESC) Kuching, ti deka besaup ngemansangka penemu tauka pengelandik dalam bidang ophthalmology.

Pengawa nyain sempekata nya kemari dikemataka Menteri Muda Pengawa Berumah, Datuk Abdul Karim Rahman Hamzah, ke diatur ba Rumah Universiti, UNIMAS ditu, kemari.

Karim madahka kerejasama nya deka meri pemanah enggau penyulut ngagai kedua

“Kerejasama antara universiti perintah iya nya UNIMAS enggau sektor peribit (ESC) tu deka meri penguntung ngagai orang mayuh sereta aku arap bendar ulih ngangkat tauka ngerembaika agi servis nyaga mata di Sarawak sereta Malaysia.”

Datuk Abdul Karim Rahman Hamzah
 Menteri Muda Pengawa Berumah

piak sereta ngangkatka nama UNIMAS enggau ESC di menua tu dalam bidang ophthalmology.

“Kerejasama antara universiti perintah iya nya UNIMAS enggau sektor peribit (ESC) tu deka meri penguntung ngagai orang mayuh sereta aku arap bendar ulih ngangkat tauka ngerembaika agi servis nyaga mata di Sarawak sereta Malaysia.

“Nengah kerejasama tu

aku arap bendar ESC ulih nyendiaka palan endur nembiake universiti tauka sida ke praktikal sereta bala pengelicha ulih belajar tauka ngiga penemu ari raban ESC ke landik dalam bidang perubat mata (ophthalmology).

“Kerejasama tu mega meri synergi ti manah ngagai kedua piak baka bekunsi penemu enggau pengelandik nyengkaum pasal kereban teknologi pepadu baru dikena



BESERAKUP: Karim (belakang, tiga kanan) ngemataka Kadim (kiba) betukar MoU ke udah disain enggau Dr Dennis (kanan), ti netapka kerejasama dalam bidang ophthalmology.

nyaga enggau ngubat mata,”

Karim ti nyai. Menteri

Muda Dagang temuai mansutka pekara nya lebu bejadika pengawa nyain MoA

entara Eye Specilaist Centre Kuching enggau UNIMAS ba Rumah Universiti, UNIMAS

ditu, kemari.

Sempekata nya disain Mandal Canselor UNIMAS Prof Dato Dr. Mohamad Kadim Suaidi ti ngarika UNIMAS enggau Direktor Perubat ESC Kuching Dr. Dennis Kong enggau Dr. Tiong Tung Hui ngarika ESC.

“Kelimpah ari nya kerejasama tu ulih mantu ngangkatka nama UNIMAS empu dalam bidang tu,” ku Karim.

Bepelasarka penerang berita UNIMAS kemari, kerejasama kedua piak nya mega ulih ngangkatka pengawa pemansik kelimpah ari nyendiaka latih ngambika bisi ke bekal bala nembiake lebu pansut ari universiti.

Pemansik ophthalmology amat beguna ke ulih mai pemansang standard enggau kualiti nyaga mata nengah chara baru, inovasyon sereta teknik merubat enggau muntas baru, ti ulih meri penguntung ngagai pesakit mata.